

Inatsisissatut siunnersuut pillugu oqaaseqaatit
Oqaaseqaatit nalinginnaasut

1. Aallaqqaasiut:

Naartunermi, erninermi meeravissartaarnermilu sulinngiffeqartarnek il.il. ullormusiaqartarnerlu pillugit Inatsisartut peqqussutissaattut siunnersuutip matumani peqqussummi atuuttumi pingaarnertut tunngaviit ingerlateqqinneqarput. Aalajangersakkat pisariillisarneqarsimapput, oqaasertalersuinerlu erseqqinnerulluni. Peqqussummik allannortiterineq taanna peqqussutip atuuttup qanoq paasineqarnissaanik apeqquteqarajuttarnek tunngavigalugu pisimavoq.

Manna tikillugu atuuttut pingaarnertut tunngavisoq tassaavoq sulinngiffeqarsinnaatitaanerup tamanut atuunera, ullormusiaqarsinnaatitaanerli isertitanik annaasaqarnermut ataneqartinneqarluni. Inuit pineqartut taakkuupput, tassalu akissarsiaqarlutik sulisartut, namminersorlutik inuussutissarsiortut, namminersorlutik inuussutissarsiortut katissimallugit aappaat inooqataalluunniit namminersorluni inuussutissarsiortumut ikiortaasut, ilinniartut atuartullu.

Piffissaq sulinngiffeqarfiusartoq allannortinneqarsimanngilaq.

Inatsisissatut siunnersuummi matumani nutaartaasut tassaapput piffissamik sulinngiffeqarfiusumik kipititsisarnek pillugu malittarisassat, nalunaarsorneqarlutik inooqatigiit sulinngiffeqartarnerat ullormusiaqartarnerallu pillugit malittarisassat kiisalu meeravissartaartut aamma meeravissartaarnissaq siunertaralugu ilaqutariit meeqqanik paarsaqartut pillugit malittarisassat.

Nalunaarummi atuuttumi aalajangersakkat arlallit inatsisissatut siunnersuummi matumani illanngunneqarsimapput, tassami taakku inatsimmiinnissaat naleqqunnerummat.

2. Siunnersuummi immikkortut pingaarnert:

Piffissamik sulinngiffeqarfiusumik kipititsineq

Piffissamik sulinngiffeqarfiusumik kipititsineq pillugu malittarisassat eqaannerulersinneqarsimapput. Angajoqqaat sulinngiffeqarnerminnik kipititsinngikkaluarlutik taamalu sulinngiffeqarnerup sinnera atorunnaarsinngikkaluarlugu ataatsimeersuarnernut, pikkorissarnernut, aalajangersimasunik sammisaqarluni ulluni aalajangersimasuni suliaqarnernut assigisaanullu suliamut attuumassuteqartunut peqataanissaminnut inatsisissatut siunnersuutikkut periarfissaqalersinneqarput. Tamatuma pissuseqataa ilinniartunut atuuppoq, taakkumi siunnersuut tunngavigalugu atuartitsinermi annikinnerusumik peqataasinnaammata, piffissaq sulinngiffeqarfiusoq kipitinngikkaluarlugu sulinngiffeqarfissallu sinnera atorunnaarsinngikkaluarlugu. Allannuutip taassuma peqqussut ullutsinnut naleqqunnerusunngortippaa, angajoqqaallu periarfissaqalersillugit sammisani suliamut tunngasuni malinnaanissaannut, taamaalilluni piffissaq sulinngiffeqarfiusoq pineqartoq sulinngiffeqarfiumngitsoorsimasuuppat sulinngiffeqartup suliffimmini qaffariartornermigmat ajornerusumik inissisimanissaa pisariaarullugu.

Nalunaarsugaasumik inooqatigiit

Inatsisissatut siunnersuut nalunaarsugaasumik inooqatigisap meeraanik meeravissartaarnermi meeravissartaartup meeqqap erniunerata kingornatigut sapaatit akunnerisa 15-it siulliit iluan-

ni sapaatit akunnerini pingasuni erninermut atatillugu sulinngiffeqarsinnaatitaanera pillugu aalajangersakkamik imaqqarpoq. Taamaattorli nalunaarsugaasumik inooqatigisap meeraanik meeravissartaarnissamik qinnuteqaat aamma anaanaasup meeravissartaarnissamik akuerinninera kingusinnerpaamik meeqqap erniunerata nalaani tunniunneqareersimassapput.

Meeravissartaartut meeravissartaarnissarlu siunertaralu ilaqutariit meeqqamik paarsaqartarnerat

Inatsisissatut siunnersuutikkut meeqqamik najugaqatiginngisaminnik meeravissartaartut meeqqap angajoqqaaviisut sulinngiffeqarsinnaatitaalerlutillu ullormusiaqarsinnaatitaalerput. Meeravissartaartut meeqqamik meeqqanilluunniit Kalaallit Nunaanni aallernerminnut atatillugu sapaatip akunnerani ataatsimi sulinngiffeqarsinnaatitaalerput, meerarlu meeqqalluunniit Kalaallit Nunaata avataanut aaneqassappata sapaatit akunnerini pingasuni sulinngiffeqarsinnaatitalerlutik. Malittarisassat taakku meeravissartaartut meeqqap angajoqqaaviinut naligitilugit inissippaat, taamaalilluni piffissaq meeqqamik aallernermut atorneqartoq tulleriinneri malillugit sapaatit akunnerinit 15-init aamma sapaatit akunnerinit 19-init tiguneqartussaajunnaarsillugu.

Peqqussummi atuuttumi sulinngiffeqartitsisoqarsinnaanersoq taamaappallu qanoq sivisutigusumik sulinngiffeqartitsisoqassanersoq kommunit naliliisussaallutillu aalajangiisussaapput.

Taamaattorli oqaatigineqassaaq aalajangersakkat taamaallaat meeravissartaartunut imaluunniit meeravissartaarnissaq siunertaralugu angajoqqaarsiassatut meeqqamik ilisarisisasareriigarinngisaminnik tiguisunut atuummata.

3. Pisortanut aningaasaqarnikkut aqutsinikkullu kingunerisassai:

Siunnersuut pisortanut aningaasaqarnikkut kinguneqassanngitsoq naliliisoqarpoq.

Siunnersuut aqutsinikkut pitsanngoriaataalaassasoq naliliisoqarpoq, tassami aalajangersagarpasuit erseqqinnerusunik oqaasertalersorneqarsimammata, matumani naatsorsuinerit pillugit aalajangersakkat ilanngullugit eqqarsaatigalugit.

4. Inuussutissarsiornermut il.il aningaasaqarnikkut aqutsinikkullu kingunerisassai:

Inatsisissatut siunnersuut inuussutissarsiornermut aningaasaqarnikkut aqutsinikkullu kinguneqassanngilaq.

5. Avatangiisinut pinngortitamullu kingunerisassai:

Siunnersuut avatangiisinut pinngortitamullu kinguneqassanngilaq.

6. Innuttaasunut aqutsinikkut kingunerisassai:

Siunnersuut innuttaasunut aqutsinikkut pitsanngoriaataalaassasoq naliliisoqarpoq, tassami aalajangersagarpasuit erseqqinnerusunik paasiuminarnerusunillu oqaasertalersorneqarsimammata.

7. Naalagaaffeqatigiinnermut Namminersornermullu tunngasut:

Siunnersuut naalagaaffeqatigiinneq Namminersornerlu eqqarsaatigalugit sunniuteqassanngitsoq naliliisoqarpoq.

8. Oqartussaasunut, suliniaqatigiiffinnut allanullu tusarniaaneq:

Siunnersuut oqartussaasunut suliniaqatigiiffinnullu ukununnga tusarniaatigineqarsimavoq:

KANUKOKA, Naalakkersuisut Siulittaasuata Naalakkersuisoqarfia, Inuusutissarsiornermut Suliffeqarnermullu Naalakkersuisoqarfik, Aningaasaqarnermut Naalakkersuisoqarfik, Aali-sarnermut Piniarnermut Nunalerinermullu Naalakkersuisoqarfik, Nunami namminer mi pissut-sinut Naalakkersuisoqarfik, Attaveqarnermut Avatangiisinullu Naalakkersuisoqarfik, Kultu-reqarnermut, Ilinniartitaanermit, Ilisimatusarnermut, Ilageeqarnermullu Naalakkersuisoqar-fik, Peqqissutsimut Naalakkersuisoqarfik, Isumaginninnermi Naammagittaalliuuteqartarfik, Kommunit Kukkunersuisoqarfiat, Kalaallit Nunaanni Sulisitsisut Peqatigiiffiat, NUKUSA, AK, IK/ASG, Arkitektforbundet, IMAK, NIISIP, PIP, PK, PPK, SIK, SSK, TP, AaNP, PANI, Attaveqaat, Ernissuortuunerit Kattuffiat, Fysioterapeuterne i Grønland, Ergoterapeuterne i Grønland, Peqqissaanermut Ilinniarfik, Dansk Psykologforenings Grønlandskreds, I.I.P.S.I., Sorlak, Bedre Børneliv, ICC/ICYC, Foreningen for Enlige forsørgere, Katsorsaaviit, Tasiorta, Plejeforældreforeningen, NANU, Naligiissitaanissamut Siunnersuisoqatigiit, SQK, Nuummi Arnat Suleqatigiit, MIPI, Qaqiffik, Katsorsaavik, Plejeforældreforeningen, Handicapforening Puigornanga Forglemmigej, 8. marts gruppen, SPS, ISI / Ilimmarfik, Sulisartut Højskoliat og Knud Rasmussenip Højskolia.

Aalajangersakkat ataasiakkaat pillugit oqaaseqaatit

§ 1 pillugu

Aalajangersagaq taanna nutaajuvoq, peqqussutillu siunertaa taaneqarluni. Tulleriinneri malil-lugit sulinngiffeqarsinnaatitaanerup ullormusiaqarsinnaatitaanerullu imminnut ataqatigiinne-qarnissaat pisariaqanngitsoq aalajangersakkakut tassuuna erseqqissarneqarpoq.

§ 2 pillugu

Imm. 1 pillugu.

Aalajangersakkap taassuma peqqussummi atuuttumi § 1, imm. 1 assigaa. Taamaattorli peq-qussummi aalajangersakkat sinnerinut innersuussineq ilanngunneqarsimanngilaq.

Aalajangersakkakut tassuuna erseqqissarneqarpoq inuit pineqartut sulinngiffeqarsinnaati-taassagunik Kalaallit Nunaanni aalajangersimasunik najugaqartuussasut Kalaallit Nunaanni inunnik nalunaarsuiffimmi nalunaarsorsimasussaasut.

Imm. 2 pillugu.

Aalajangersakkap taassuma peqqussummi atuuttumi § 1, imm. 2 assigaa. Taamaattorli peq-qussummi aalajangersakkat sinnerinut innersuussineq ilanngunneqarsimanngilaq.

Aalajangersakkakut tassuuna erseqqissarneqarpoq inuit Kalaallit Nunaanni aalajangersima-sumik najugaqartut Kalaallillu Nunaanni inunnik nalunaarsuiffimmi nalunaarsorsimasut mee-ravissartaarnissaq siunertaralugu meeqqamik paarsassamik tigusinermit atatillugu sulinngif-feqarnissaat akuersissutigineqarsinnaasoq. Taamaattorli peqqussummi aalajangersakkat sinne-rinut innersuussineq ilanngunneqarsimanngilaq.

Imm. 3 pillugu.

Aalajangersagaq taanna nutaajuvoq, imarisamigulli peqqussummi atuuttumi § 1, imm. 4-mi tunngavissaq assigalugu. Aalajangersakkakut tassuuna erseqqissarneqarpoq sulinngiffeqarsinnaatitaaneq ullormusiaqarsinnaatitaanerlu aamma inunnut Nunat Avannarliit Isumaginninnermi Isumannaallisaaneq pillugu Isumqatigiissutaanni imaluunnit nunat tamat isumaqatigiissutaanni Kalaallit Nunaannut aamma atuuttuni pineqartunut atuuttoq.

§ 3 pillugu

Aalajangersagaq nutaajuvoq, inuillu suliffeqarnermut attuumassuteqartut piffissami sulinngiffeqarfiusumi ullormusiaqarsinnaatitaasut erseqqissarlugit, kiisalu ilinniartut atuartullu ullormusiaqarsinnaatitaanerat erseqqissarlugu.

§ 4 pillugu

Aalajangersagaq taanna peqqussummi atuuttumi § 2-p assigaa.

Aalajangersakkakut tassuuna erseqqissarneqarpoq piffissami sulinngiffeqarfiusumi sulinngiffeqarsinnaatitaaneq ullormusiaqarsinnaatitaanerlu pillugit peqqussummi aalajangersakkat akissarsiaqarluni sulisartumut ajorseriaataasumik isumaqatigiissutigut saneqqunneqarsinnaanngitsut. Aalajangersagaq taanna akissarsiaqarluni sulisartup sulisitsisoq eqqarsaatigalugu isumannaallisaaffigineqarneranut peqataavoq. Aalajangersagaq isumaqarpoq akissarsiaqarluni sulisartoq piffissap sulinngiffeqarfiusup naannginnerani sulileqqinniarluni aalajangersinnaasoq, tassami pisuni taamaattuni tamanna akissarsiaqarluni sulisartup kissaatigisaa tunngavigalugu pisussaammat, taamaattumillu pineqartumut iluaqusiisutut isigisariaqarluni.

§ 5 pillugu

Aalajangersakkap taassuma peqqussummi atuuttumi § 3 assigaa, piffissarlu suliffimmi suliffiusimasoq piffissamik sulinngiffeqarfiusussamik naatsorsuinnermi ilanngunneqartassasoq erseqqissarlugu.

§ 6 pillugu

Imm. 1 pillugu

Aalajangersakkap taassuma peqqussummi atuuttumi § 4, imm. 1 assigaa. Aalajangersakkakut tassuuna erseqqissarneqarpoq akissarsiaqarluni sulisartoq naartunini imaluunniit erninnermut atatillugu sulinngiffeqarnini imaluunniit inatsit manna naapertorlugu sulinngiffeqarumluni kissaateqarnermik saqqummiussisimanini pissutigalugu soraarsinneqarsinnaan-ngitsaq.

Imm. 2 pillugu

Aalajangersakkap taassuma peqqussummi atuuttumi § 4, imm. 2 assigaa. Aalajangersakkakut tassuuna erseqqissarneqarpoq sulisitsisoq tassaasoq soraarsitsisoqarsimappat soraartitsinerup naartunermik pissuteqannginneranik uppernarsaasiisussaq.

Imm. 3 pillugu

Aalajangersakkap taassuma peqqussummi atuuttumi § 4, imm 3 assigaa. Aalajangersakkakut tassuuna erseqqissarneqarpoq akissarsiaqarluni sulisartoq § 4, imm. 1 unioqquutilugu soraar-

sinneqarpat sulisitsisup taarsiissutit akilissagai, taakkulu piffissami akissarsiaqarluni sulisartup sivilunerpaamik sulinngiffeqarsinnaatitaanerani atorfimmi soraarsitsiviusumi akissarsianit ikinnerussanngitsut.

§ 7 pillugu

Imm. 1 pillugu

Aalajangersakkap imarisaa peqqussummi atuuttumi § 9, imm. 1 assigaa, arnallu naartuneranut erninermullu atatillugu sulinngiffeqarsinnaatitaaneranut tunngasuulluni.

Arnat tamarmik naartuneranut erninermullu atatillugu sulinngiffeqarsinnaatitaapput, aamma erniffissatut naatsorsuutigisaaq sioqqullugu sapaatit akunnerini 13-ini kingullerni suliffeqarnermut attuumassuteqarsimanngikkaluarunilluunniit. Piffissap sulinngiffeqarfiusup sivilussusia sulitassaavoq erniffissatut naatsorsuutigisaaq sioqqullugu sapaatit akunneri marluk erninerullu kingornatigut sapaatit akunneri 15-it.

Imm. 2 pillugu

Aalajangersakkap imarisaa peqqussummi atuuttumi § 9, imm 2 assigaa, arnallu marlulinermi amerlanerusunilluunniit ataatsikkut meerartaarnermini sulinngiffeqarsinnaatitaaneranut tunngasuulluni. Piffissap sulinngiffeqarfiusup sivilussusia malittarisassat atuuttut eqqarsaatigalugit allannguteqarani erniffissatut naatsorsuutigineqartoq sioqqullugu sapaatit akunnerinik marlunnik erninerullu kingornatigut sapaatit akunnerinik 19-inik sivilussuseqarluni.

Imm. 3 pillugu

Aalajangersakkap taassuma peqqussummi atuuttumi § 10, imm. 1 assigaa, naartunerlu peqqisup naartuneranit allaappat erniffissaaq sioqqullugu sapaatit akunnerini marlunni sulinngiffeqarsinnaatitaaneranut tunngasuulluni. Taamaattorli nakorsaaq tamanna pillugu naliliisinneqartussaavoq.

Imm. 4 pillugu

Aalajangersakkap taassuma peqqussummi atuuttumi § 10, imm. 2 assigaa, erniffissarlu sioqqullugu sapaatit akunnerini marlunni sulinngissinnaatitaaneranut tunngasuullunni, suliap pisusia naartumik ulorianartorsiorfitsippat, imaluunniit arnap suliaminik ingerlatsinera pisortat aalajangersagaasa akornuserpassuk, sulisitsisorlu suliffimmik naleqquttumik allamik neqerootissaqanngippat.

Imm. 5 pillugu

Aalajangersagaq taanna peqqussummi nutaajuvoq, imarisamigulli nalunaarummi atuuttumi § 5, imm. 1 assigalugu. Aalajangersagaq sulisitsisup suliffimmik naleqquttumik allamik neqerootaanik arnap tigusiumannngissinnaatitaaneranut tunngasuvoq.

Aalajangersakkakut tassuuna erseqqissarneqarpoq sulisitsisup suliffimmik allamik neqerootataa arnap tigusiumannngissinnaagaa, manna tikillugu suliffigisimasami qaffasissuseq anneruumik allaassuteqartoq pineqarpat, suliffillu alla nuunnermik imaluunniit suliarturneranut suliffimmillu angerlarnermut atatillugu angallannikkut ajornartorsiorfiusoq imalluunniit ullup unnuallui ingerlaneranni piffissaaq suliffiusoq alla pineqarpata. Malittarisassat taakku ilanngunneqarput arnaq naartusoq naartualu illersorniarlugit.

Oqaatigineqassaaq malittarisassat taakku sulisitsisup malinngippagit aalajangiineq taamaattoq isumaginittorluqarfiup aqunneqarnera aqqissuussaanelu pillugit malittarisassat naapertorlugu naammagittaalliuutigineqarsinnaanngitsoq, tassaallunili pineqartup kattuffia aqputigalugu eqqartuussivinnut suliasanngortinneqartussa.

Imm. 6 pillugu

Aalajangersagaq taanna peqqussummi nutaajuvoq, nalunaarummili attuuttumi § 5 imm. 2 asigalugu. Suliffimmik naleqquttumik allamik nassaartoqarsinnaanngippat arnap piffissap ilaannaani sulinngiffeqarsinnaatitaanera aalajangersakkakut tassuuna erseqqissarneqarpoq.

§ 8 pillugu

Imm. 1 pillugu

Aalajangersakkap taassuma peqqussummi atuuttumi § 9, imm. 3 imarisamigut assigaa, taamaattorli ataataasup sulinngiffeqarsinnaatitaanerani suliffeqarnermut attuumassuteqarnissaa, ilinniartuunissaa atuartuunissaaluunniit piumasaataanani, naak tamanna peqqussummi § 9, imm. 3-mi atuuttumi aalajangersarneqarsimagaluartoq.

Erninerup kingornatigut sapaatit akunerisa 15-it aamma 19-it iluanni sapaatit akunnerini pingasuni sulinngiffeqarsinnaatitaaneq ataataasunut tamanut atuuppoq, ullormusiaqarsinnaatitaasoqarsinnaanera apeqqutaatinnagu.

Imm. 2 pillugu

Aalajangersagaq taanna nutaajuvoq, imarisamigulli tassaalluni aalajangersagaq ataataasup meeqqat inatsiseqartitsinikkut inissisimanerat pillugu inatsit Naapertorlugu inatsisilerinikkut ataataasutut paasineqarnissaaq erseqqissaasuusoq, peqqussummi atuuttumi § 9, imm. 3-mi imaritinneqartut.

Inatsisilerinikkut ataataq tassaatinneqarpoq angut meeqqap anaanaata katissimasaa, taamaattumillu meeqqat inatsiseqartitsinikkut inissisimanerat pillugu inatsit naapertorlugu meeqqap ataataatut isigineqartussa, tassaallunili angut meeqqamut ataataasussatut eqqartuunneqarsimasooq imaluunniit ataataassarsiuinermi ataataasutut isigineqarnerminik akuerinnissimasooq. Angut naartusumut katissimasooq naartusumilluunniit inooqateqartoq katissimalluni aappariinneq inooqatigiinnerluunniit pissutiginnarnagu inatsit manna tunngavigalugu sulinngiffeqarsinnaatitaasoq.

Ataataasup anaanaasumik meeqqanillu inooqateqartuunissaa piumasaqaataanngilaq.

§ 9 pillugu

Aalajangersagaq taanna peqqussummi atuuttumi § 9, imm. 4-nik annertusisitsisuuvoq, taamaalluni aalajangersakkami meeravissiasanngortitsinerup, meeqqamik paarsasanngortitsilluni inissiinerup imaluunniit meeqqap toqnerata saniatigut meeqqap toqungalluni erniunera aamma ilanngunneqarluni. Aalajangersakkami aammattaaq pineqarput meeqqanik inuusuttunillu ikiorsiisarneq pillugu Inatsisartut peqqussutaat naapertorlugu angerlarsimaffiup avataanut inissiinerit tamarmik, meeqqap paarsassatut inissinneqarnerata saniatigut ulloq unnuarlupaaqqinniffimmut inissinneqarsinnaanera sillimmaanniarlugu.

Meeqqap toqunerani sulinngiffeqarsinnaatitaaneq eqqarsaatigalugu aalajangersakkakkut tassuuna erseqqissarneqarpoq tamanna meeqqap erniunerata kingornatigut tulleriinneri malillugit sapaatit akunnerisa 15-it 19-illu iluanni toqusoqarnerani atuuttoq.

§ 10 pillugu

Imm. 1 pillugu

Aalajangersagaq taanna nutaajuvoq. Aalajangersakkakkut tassuuna erseqqissarneqarpoq meeravissartaartut meeqqamik Kalaallit Nunaanni tiguisut meeqqamik tigusineq sioqqullugu sapaatip akunnerani ataatsimi sulinngissinnaatitaasut. Meeravissartaartut meeqqap sumiiffigisaanniinnissaat piumasaqaataavoq.

Aalajangersagaq taanna taamaallaat meeravissartaartunut imaluunniit ilaqutariinnut meeravissartaarnissaq siunertaralugu meeqqamik paarsaqarnissaminut akuerisaasunut, meeqqamik ilisarimasareeriingisaminnik tigususinut atuuppoq.

Aalajangersagaq taanna meeravissartaartunik meeqqallu angajoqqaaviinik naligiissitsineruvoq, taamaalilluni piffissaq meeqqamik aallernermut atorneqartoq tulleriinneri malillugit sapaatit akunnerinit 15-init 19-inillu taakkunanga ilanngaatigineqartariaarullugu.

Imm. 2 pillugu

Aalajangersagaq taanna nutaajuvoq. Aalajangersakkakkut tassuuna erseqqissarneqarpoq meeravissartaartut meeqqamik Kalaallit Nunaata avataanit aallersut meeqqap tiguneqarnissaa sioqqullugu sapaatit akunnerini pingasuni sulinngissinnaatitaasut. Taamaalilluni piffissami sulinngiffiusumi meeqqamik Kalaallit Nunaata avataani aallernerup piffissamik atuiffiusariaqarnera sillimmaanneqarsimavoq.

Meeraq nassarlugu angerlarnissamut pisortatigut piumasaqaataasut eqqortinneqarpata meeraq tiguneqarsimasutut isigineqalersarpoq.

Aalajangersagaq taanna tunngavigalugu sulinngittoqassappat piumasaqaataavoq meeravissartaarneq suliniaqatigiiffimmit akuerisaasumit aaqqissuunneqarsimasoq imaluunniit ilaqutariinik kattutsitsineq pineqassasoq.

Imm. 3 pillugu

Aalajangersagaq taanna nutaajuvoq. Aalajangersagaq taanna meeravissartaartunik meeqqallu angajoqqaaviinik naligiissitsineruvoq, piffissap sulinngiffeqarfiusup sivissusua kiisalu sulinngiffeqarnerup meeravissartaartut akornanni agguataarneqarnera eqqarsaatigalugit.

Imm. 4 pillugu

Aalajangersagaq taanna nutaajuvoq. Aalajangersakkakkut tassuuna erseqqissarneqarpoq meeravissartaartut meeqqamik marlunnik amerlanerusunilluunniit aallersut sapaatit akunnerini 19-ini sulinngiffeqarsinnaatitaasut, sapaatillu akunnerisa 19-it taakkua iluanni sapaatit akunnerini pingasuni ataatsikkut sulinngiffeqarsinnaatitaasut. Sapaatit akunneri sinneruttut meeravissartaartunit ataasiakkaarluni taamaallaat atorneqarsinnaapput.

Aalajangersagaq taanna meeqqamik marlunnik amerlanerusunilluunniit ataatsikkut erniusunik meeravissartaartunik meeqqallu angajoqqaaviinik naligiissitsineruvoq, piffissap sulinngiffe-

qarfiusup sivilissusia kiisalu sulinnigiffeqarnerup meeravissartaartut akornanni agguataarneqarnera eqqarsaatigalugit.

Kapitali 11 pillugu

Imm. 1 pillugu

Aalajangersagaq taanna nutaajuvoq, § 10-llu taamaallaat meeravissartaartunut meeqqamik ilisarissimasareeriinngisaminnik tigisisunut atuunera erseqqissarlugu.

Imm. 2 pillugu

Aalajangersagaq taanna nutaajuvoq, § 10-lu taamaallaat inunnut meeravissartaarsinnaasutut akuerisaasunut imaluunniit meeravissartaarnissaq siunertaralugu meeqqamik paarsaqartussatut akuerisaasunut atuunera erseqqissarlugu.

§ 12 pillugu

Imm. 1 pillugu

Aalajangersagaq taanna nutaajuvoq, erseqqissarlugulu nalunaarsugaasumik inooqatigisap meeraanik meeravissartaarnermi meeravissartaartoq meeqqap erniunerata kingornatigut sapaatit akunerisa 15-it siulliit iluanni sapaatit akunnerini pingasuni erninermut atatillugu sulinnigiffeqarsinnaatitaasoq. Aalajangersakkap taassuma ataataasup tulleriinneri malillugit sapaatit akunerisa siulliit 15-it aamma 19-it iluanni sapaatit akunnerini pingasuni sulinnigiffeqarsinnaatitaanera pillugu aalajangersagaq assigaa.

Imm. 2 pillugu

Aalajangersagaq taanna nutaajuvoq, erseqqissarlugulu nalunaarsugaasumik inooqatigisap meeraanik meeravissartaarnissamik qinnuteqaat anaanaasullu meeravissartaarnissamik akuerinninnera kingusinnerpaamik erniffiup nalaani tunniunneqarsimassasut.

§ 13 pillugu

Aalajangersagaq taanna nutaajuvoq erseqqissarlugulu meeraq toqungalluni erniuppat imaluunniit erniunermi kingornatigut sapaatit akunerisa 15-it siulliit iluanni toquppat, meeravissiansanngortinneqarpat, meeqqanik inuusuttunillu ikiorsiisarneq pillugu Inatsisartut peqqussutaat naapertorlugu angerlarsimaffiup avataanut inissinneqarpat erninermut atatillugu sulinnigiffeqarneq atorunnaassanngitsoq.

Aalajangersagaq taanna ilanngunneqarpoq nalunaarsugaasumik inooqatigiinnermi inooqataasup arnat angutillu inooqatigiinneranni pisarnertut ataataasutut pisinnaatitaaffeqarnissaa qulakkeerniarlugu.

§ 14 pillugu

Imm. 1 pillugu

Aalajangersagaq taanna nutaajuvoq, erseqqissarlugulu meeraq pingasut inorlugit ukiulik meeqqanik inuusuttunillu ikiorsiisarneq pillugu Inatsisartut peqqussutaat naapertorlugu ilaqu-tariinnut paarsassanngortillugu inissinneqarpat kommunalbestyrelsi aalajangiisinnaasoq anga-

joqqaarsiat arlaat meeqqap tiguneqarneranut atatillugu sulinnigiffeqassasoq. Sulinnigiffeqarneq taanna sapaatit akunneri tallimat tikillugit sivisussuseqarsinnaavoq.

Aalajangersagaq taanna ilanngunneqarpoq meeqqap angajoqqaarsiallu akoranni toqqissisimalernissamut piffissaqarnissaq qulakkeerniarlugu.

Imm. 2 pillugu

Aalajangersagaq taanna nutaajuvoq, erseqqissarlugulu meeraq pingasut 12-illu akornanni ukioqarpat sulinnigiffeqarneq sapaatit akunneri marluk tikillugit sivisussuseqarsinnaasoq.

Imm. 3 pillugu

Aalajangersagaq taanna nutaajuvoq, erseqqissarlugulu imm. 1 imaluunniit 2 tunngavigalugu sulinnigiffeqarneq taamaallaat akuersissutigineqarsinnaasoq meeqqamik paarsassanngortitsilluni inissiineq ukiumik ataatsimik ukiorluunnit ataaseq sinnerlugu sivisussuseqassappat, tak. meeqqanik inuusuttunillu ikiorsisarneq pillugu Inatsisartut peqqussutaanni iliuusissanut pilersaarussiaq pillugu aalajangersakkat.

Imm. 4 pillugu

Aalajangersagaq taanna nutaajuvoq, erseqqissarlugulu akissarsiaqarlutik sulisartut imm. 1 imaluunniit 2 naapertorlugu sulinnigiffeqartut piffissaq meeqqap tiguneqarfia sulinnigiffeqarne-
rullu sivisussusissaa sulisitsisuminnut ilisimatitsissutigissagaat, piffissat pineqartut pineqartumit ilisimaneqalerniaripata.

Imm. 5 pillugu

Aalajangersagaq taanna nutaajuvoq, erseqqissarlugulu meeqqamik paarsassanngortitsilluni inissiinermut atatillugu sulinnigiffeqarnissamik akuersissuteqartarneq pillugu malittarisassat erseqqinnerusut Naalakkersuisut aalajangersarsinnaagaat.

§ 15 pillugu

Imm. 1 pillugu

Aalajangersakkap taassuma peqqussummi atuuttumi § 11, imm. 1 assigaa, annertusineqarsimallunili angajoqqaat saniatigut meeravissartaartut pineqartunut aamma ilaatilerlugit. Aalajangersagaq taanna allaanerulaartunik erseqqinnerusunillu oqaasertalerneqarsimavoq.

Aalajangersakkakut tassuuna erseqqissarneqarpoq angajoqqaat meeravissartaartulluunniit sapaatit akunnerisa 15-it siulliit qaavisigut sapaatit akunnerini 17-ini sulinnigiffeqarsinnaatitaasut.

Imm. 2 pillugu

Aalajangersakkap taassuma peqqussummi atuuttumi § 11, imm. 2 assigaa, annertusineqarsimallunili angajoqqaat saniatigut meeravissartaartut pineqartunut aamma ilaatilerlugit. Aalajangersagaq taanna allaanerulaartunik erseqqinnerusunillu oqaasertalerneqarsimavoq.

Aalajangersakkakut tassuuna erseqqissarneqarpoq meeqqanut marlunnut amerlanerusunulluunnit ataatsikkut inunngortunut angajoqqaat meeravissartaartulluunniit sapaatit akunnerisa 19-it siulliit qaavisigut sapaatit akunnerini 21-ini sulinnigiffeqarsinnaatitaasut.

Imm. 3 pillugu

Aalajangersakkap taassuma peqqussummi atuuttumi § 11, imm. 3 assigaa, annertusineqarsimallunili angajoqqaat saniatigut meeravissiartaartut pineqartunut aamma ilaaterlugit.

Aalajangersakkakut tassuuna erseqqissarneqarpoq imm. 1 imaluunniit 2 tunngavigalugu angajoqqaat sulinnigiffeqarsinnaatitaaneq taamaallaat angajoqqaanit meeravissiartaartuniluunniit ataasiakkaarluni atorineqarsinnaasoq.

Imm. 4 pillugu

Aalajangersakkap taassuma peqqussummi atuuttumi § 11, imm. 4 assigaa. Taamaattorli meeqqamik paarsassanngortitsilluni inissiinermik oqaasertai allanngortinneqarsimapput meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu angarlarsimaffiup avataanut inissiininngortillugit.

§ 16 pillugu

Aalajangersakkap taassuma peqqussummi atuuttumi § 15 assigaa, pisunullu angajoqqaap toqkkut qimagunneranut napparsimaneranuunniit tunngasuulluni. Aalajangersakkakut tassuuna erseqqissarneqarpoq angajoqqaap aappaata sulinnigiffeqarnermik tigusinissaa kommunalbestyrelsip akuersissutigisinnaagaa.

§ 17 pillugu

Imm. 1 pillugu

Aalajangersakkap taassuma peqqussummi atuuttumi § 13, imm. 1 assigaa, oqaasertaali allanngortinneqarsimalutik.

Aalajangersakkakut tassuuna erseqqissarneqarpoq meeraq piffissami angajoqqaat meeravissiartaartulluunniit sulinnigiffeqarsinnaatitaanerisa nalaani napparsimmavimmut unitsinneqarpat piffissaq sulinnigiffeqarfiusoq piffissap napparsimmavimmi uninnganerup sivosqataanik sivitsorneqassasoq, ataataasup § 8 tunngavigalugu sulinnigiffeqarsinnaatitaanera imaluunniit nalunaarsugaasumik inooqataasup § 12 tunngavigalugu sulinnigiffeqarsinnaatitaanera eqqaasannngikkaanni, taamaattorli sivisunerpaamik sapaatit akunneri 13-it tikillugit. Tamatuma pissuseqataa atuuppoq meeraq nakorsap naliliinera pissutigalugu piffissap meeqqap erniunerata kingornatigut napparsimmavimmi nalinginnaasumik uninngavigisaata kingornatigut meeraq angerlartinneqarsinnaanngippat.

Imm. 2 pillugu

Aalajangersakkap taassuma peqqussummi atuuttumi § 13, imm. 2 assigaa.

Aalajangersakkakut tassuuna erseqqissarneqarpoq angajoqqaap meeravissiartaartulluunniit sulinnigiffeqarsinnaatitaanermik atuisup sulinnigiffeqarnini meeqqap unitsinneqarnera pissutigalugu kipitippagu piffissap sulinnigiffeqarfiusup sinnera meeqqap angerlartinneqarneranut atatillugu sulinnigiffeqarfigineqarsinnaasoq.

§ 18 pillugu

Imm. 1 pillugu

Aalajangersakkap taassuma peqqussummi atuuttumi § 14, imm. 1 ilaannakortumik assigaa.

Aalajangersakkakut tassuuna erseqqissarneqarpoq qinikkatut pisortaniluunniit toqqakkatut suliaasaqartitaanerup pikkorissartitsinernilu sivikinnerusuni suliamut attuummassuteqartuni peqataanerup saniatigut ataatsimeersuarnerni, aalajangersimasunik sammisaqarluni ulluni aalajangersimasuni ingerlatsinerni assigisaannilu peqataanerit piffissamik sulinnigiffeqarfiusumik kipititsisuunngitsut aamma ilanngunneqartut. Allannngortitsisoqarpoq sulinnigiffeqartup suliaticigut pisinnaasaasa nutarterneqarnissaannut ineriartorteqqinneqarnissaannulluunniit anertunngikkaluamik periarfissiinissaq qulakkeerniarlugu.

Aalajangersakkakut tassuuna ilaatigut ilinniartut atuartulluunniit misilitsinnerni soraarummeernerniluunniit sulinnigiffeqarneq kipitinngikkaluarlugu peqataasinnaanerit qulakkeerneqarpoq. Sulinnigiffeqarnermik kipititsineq peqqussut atuuttoq tunngavigalugu ilinniartup atuartulluunniit ilinniarnerninik atuarnerninilluunniit aatsaat ukiup affaata ukiulluunniit ilivitsup qaangiunnerani ingerlatseqqissinnaalerneranik nassataqartussaavoq.

Imm. 2 pillugu

Aalajangersakkap taassuma peqqussummi atuuttumi § 12, imm. 1 assigaa.

Aalajangersakkakut tassuuna erseqqissarneqarpoq sulinnigiffeqarneq kipitinneqartutut isigineqassasoq sulineq ilinniarnerniluunniit aallarteqqinneqarpat, angajoqqaap aappaa tamatumunga atatillugu sulinnigiffeqarluni aallartinnigippat, taamaattorli tak. § 17, imm. 2 aamma § 19. Akissarsiaqaatigalugu feriarnersiutisiaqaatigaluguluunniit feriarneq piffissamik sulinnigiffeqarfiusumik taamatutaaq kipititsineruvoq.

Imm. 3 pillugu

Aalajangersagaq aalajangersakkatut immikkut nutaajuvoq, erseqqissarlugulu sulinnigiffeqarneq kipitinneqarpat sulinnigiffeqarnerup sinnera atorunnaassasoq. Aalajangersagaq taanna peqqussummi atuuttumi § 12, imm. 1-ip ilagaa.

§ 19 pillugu

Imm. 1 pillugu

Aalajangersagaq taanna nutaajuvoq, erseqqissarlugulu ilinniartut sulinnigiffeqarneq kipitinngikkaluarlugu atuartitsinermi annikinnerusumik peqataasinnaasut.

Imm. 2 pillugu

Aalajangersagaq taanna nutaajuvoq, erseqqissarlugulu annikinnerusumik peqataaneq tassaa-sinnaasoq immikkut suliaasamik allaaserinnineq, ilinniaqatinik ataatsimeeqateqarneq imaluunniit pingaanninnerusunik atuartitsinermi peqataaneq ilinniartup piffissami sulinnigiffeqarfiusumi ilinniarnernimik ingerlatsineratut isigineqarsinnaaneramik nassataqanngitsoq.

Imm. 3 pillugu

Aalajangersagaq taanna nutaajuvoq, erseqqissarlugulu soraarummeerneq erninerup kingunit-siannua pissappat, soraarummeernermullu peqataanngitsoorneq ilinniarnernup piffissamik si-visuumik sivitsorneqarneranik kinguneqassappat sulinnigiffeqarneq kipitinngikkaluarlugu soraarummeernermi peqataaneq akuerineqarsinnaasoq.

Aalajangersagaq taanna ilanngunneqarpoq ilinniartup erninermi kingunitsianngua soraarum-meernermi peqataangikkuni ilinniarnerninik sivitsuivallaartarnissaa pinngitsoortinniarlugu.

Imm. 4 pillugu

Aalajangersagaq taanna nutaajuvoq, erseqqissarlugulu piffissamik sivikitsumik oqarnermi erninerup kingornatigut piffissaq qaammatip ataatsip iluani pineqartoq.

§ 20 pillugu

Aalajangersakkap taassuma peqqussummi atuuttumi § 5 assigaa. Taamaattorli erninerup kingorna piffissaq arnap sulileqqinnissaminik eqqarsaateqarnerminik sulisitsisuminut ilisimatitsiffissaa sapaatit akunnerinit arfineq pingasunit sapaatit akunnerinut 12-inut sivitsorneqarpoq, tamannami piffissap sulinngiffeqarfiusup sivisussusia eqqarsaatigalugu piffissaalluarmat.

§ 21 pillugu

Imm. 1 pillugu

Aalajangersakkap taassuma peqqussummi atuuttumi § 6 imm. 1 assigaa, taamaattorli allangortinneqarluni “Angut akissarsiaqarluni sulisartuq”-miit “Ataataasoq, meeravissiartaartutut ataataasoq imaluunniit nalunaarsugaasumik inooqataasoq”-mut, taamaalluni sullinniakkat tamarmik ilaalissallutik.

Aalajangersakkakkut tassuuna erseqqissarneqarpoq ataataasoq, meeravissiartaartutut ataataasoq aamma nalunaarsugaasumik inooqatigiinnermi aappaasoq pisussaaffeqartoq sulinngiffeqarnissaq kissaatigineqarpat tamatuma sulisitsisumut ilisimatitsissutiginnissaanut. Tassuuna aamma aalajangersarneqarpoq piffissaq sulinngiffeqarfiup ingerlanneqarfissaatut nalunaarutigineqaaqartoq allangortinneqarsinnaasoq, meeraq napparsimmavimmut unitsinneqarpat, imaluunniit napparsimmavimmi nalinginnaasumit sivilunerusumik uninngassappat.

Imm. 2 pillugu

Aalajangersakkap taassuma peqqussummi atuuttumi § 6, imm. 2 assigaa. Aalajangersakkakkut tassuuna erseqqissarneqarpoq meeraq napparsimmavimmi uninngasarneq nalinginnaasoq sinnerlugu napparsimmavimmiissappat imaluunniit napparsimmavimmut unitsinneqarpat akissarsiaqarluni sulisartup sulinngiffeqarnissamik imm. 1 tunngavigalugu nalunaarutigisaa allangortinneqarsinnaasoq. Sulisitsisoq tamatuminna ilisimatinneqassaq, napparsimmavimmut unitsitsineq imaluunniit napparsimmavimmi uninnganerup sivitsorneqarnissaa ilisimaneqalerniariartoq.

§ 22 pillugu

Aalajangersakkap taassuma peqqussummi atuuttumi § 7 assigaa, erseqqissarlugulu akissarsiaqarluni sulisartup sulinngiffeqarsinnaatitaanera meeqqap napparsimmavimmut unitsinneqarnera pissutigalugu sivitsorneqassappat, tak. § 17, akissarsiaqarluni sulisartup tamanna sulisitsisumut ilisimatitsissutigissagaa, sivitsuineq akissarsiaqarluni sulisartumit ilisimaneqalerniariarpat. Taamatuttaaq akissarsiaqarluni sulisartup sulisitsisoq meeqqap ineriartorneranik kiisalu sulinngiffeqarnerup sivitsorneqarnissaanik ilisimatissavaa.

§ 23 pillugu

Aalajangersakkat taassuma peqqussummi atuuttumi § 8 assigaa. Aalajangersakkakut tassuuna erseqqissarneqarpoq akissarsiaqarluni sulisartoo angajoqqaat aappaata sulinnigiffeqarsinnaatitaanerani tiguguni, tak. § 16, tamanna kiisalu piffissap sulinnigiffeqarfiusussap sivissusia sulisitsisuminut ilisimatitsissutigissagaa. Ilisimatitsineq piffissap sulinnigiffeqarfiusussap aallartinnissaa sapaatit akunerinik arfineq pingasunik sioqullugu pissaaq.

§ 24 pillugu

Imm. 1 pillugu

Aalajangersakkap taassuma peqqussummi atuuttumi § 19, imm. 1 assigaa. Aalajangersakkap taassuma erseqqissarpaa sulinnigiffeqarnermi ullormusiat sulinnigiffeqartup qinnuteqarneratigut sulinnigiffeqartumut isertitatut nalinginnaasumik akileraaruteqaataasussatut tunniunneqartassasut.

Imm. 2 pillugu

Aalajangersakkap taassuma peqqussummi atuuttumi § 19, imm. 2 assigaa. Aalajangersakkakut tassuuna erseqqissarneqarpoq erninermut atatillugu sulinnigiffeqarnerup nalaani ullormusiat feriarnersiutisiassanik katersissutaasinnaangitsut.

§ 25 pillugu

Imm. 1 pillugu

Aalajangersakkap taassuma peqqussummi atuuttumi § 21, imm. 1 imarisamigut assigaa, ullormusiat amerlassusiisa aalajangersarneqarnerat eqqarsaatigalugu, tassami nalunaaquttap akunneranut aalajangersimasunik amerlassusiligaasuni suli pisartagaqartitsisoqassamat, SIK-p pisortallu sulisitsisuisa ilinniagaqarsimanngitsut pillugit isumaqatigiisutaat tunngavigalugu sulisunut 18-ileereersimasunut akissarsiat ikinnerpaaffissaat atorlugit.

Imm. 2 pillugu

Aalajangersagaq taanna nutaajuvoq, erseqqissarlugulu ullormusiassanut amerlassusiliunneqartut isumaginninnermi aningaasannorlugit tunniunneqartut pillugit kaajallaasitami Ilaqutariinnermut Naalakkersuisoqarfiup ukiumut ikinnerpaamik ataasiarluni saqqummersittagaani takuneqarsinnaasut.

§ 26 pillugu

Imm. 1 pillugu

Aalajangersakkap taassuma peqqussummi atuuttumi § 19, imm. 3 imarisamigut assigaa, utoq-qalinnermi pensionisiallit pisortanillu siusinaartumik pensionisiallit eqqarsaatigalugit.

Imm. 2 pillugu

Aalajangersakkap taassuma peqqussummi atuuttumi § 19, imm. 3 imarisamigut assigaa, inuit pinerluuteqarsimasunik isumaginnittoqarfiup isertitsiviutaanut inissinneqasimasut eqqarsaatigalugit.

§ 27 pillugu

Imm. 1 pillugu

Aalajangersakkap taassuma peqqussummi atuuttumi § 20 imarisamigut assigaa, erseqqinneru-sunilli oqaasertaleneqarsimalluni. Aalajangersakkakut tassuuna erseqqissarneqarpoq sulinngiffeqartoq sulinngiffeqarnermini taassumaluunniit ilaani akissarsiaqarpat, feriarnersiutisiaqarpat, sulinermi isertitatigut annaasanut taarsiissutisiaqarpat assigisaannilluunniit pisartagaqarpat piffissami pisartakkanik qulaani taaneqartunik tunniussiviusartuni ullormusiaqartitsisoqassanngitsoq.

Imm. 2 pillugu

Aalajangersagaq taanna nutaajuvoq, erseqqissarlugulu piffissap sulinngiffeqarfiusup ilaani isumaqatigiissut tunngavigalugu akissarsiaqartoqarpat ullormusiat piffissap taassuma naanerani tunniunneqartalissasut.

Tassuuna erseqqissarneqarpoq ullormusianik tunniussisarneq aatsaat aallartinneqartassasooq piffissaq akissarsiaqarluni sulinngiffiusooq naagaangat.

§ 28 pillugu

Imm. 1 pillugu

Aalajangersagaq taanna nutaajuvoq, erseqqissarlugulu suliffissarsiortut pisortanit ikiorsiissutit pillugit peqqusut naapertorlugu ikiorsiissutisisartut erniffissatullugu naatsorsuutigisaaq sioqqullugu sapaatit akunnerini 13-ini kingullerni suliffeqarnermut attuumassuteqarsimannngitsut sulinngiffeqarsinnaatitaasut, ullormusiaqarsinnaatitaanattilli.

Taamaalilluni aalajangersakkakut tassuuna erseqqissarneqarpoq inuit pisortanit ikiorsiissutit pillugit peqqusut naapertorlugu ikiorsiissutisisartut suliffeqarnermullu attuumassuteqarsimannngitsut sulinngiffeqarsinnaatitaasut, ullormusiaqarsinnaatitaanattilli.

Imm. 2 pillugu

Aalajangersagaq taanna nutaajuvoq, erseqqissarlugulu imm. 1 naapertorlugu suliffissarsiortut piffissami sulinngiffeqarfiusup nalaami pisortanit ikiorsiissutisisaannarsinnaasut, tamatumunga piumasaaqatit eqqortinneqarsimappata.

§ 29 pillugu

Imm. 1 pillugu

Aalajangersakkap taassuma peqqussummi atuuttumi § 21, imm. 2 assigaa, akissarsiaqarluni sulisartup sulinngiffeqarnerup aallartinnera sioqqullugu sapaatit akunnerini 13-ini suliffeqarnermut attuumassuteqarnera eqqarsaatigalugu.

Imm. 2 pillugu

Aalajangersagaq taanna nutaajuvoq, erseqqissarlugulu sapaatit akunnerinik 13-inik naatsorsuinermi suut ilaatinneqassanersut.

Aalajangersakkakut tassuuna erseqqissarneqarpoq sapaatit akunnerinik 13-inik naatsorsuinermi piffissat akissarsiaqarluni sulisartup akissarsiaqarluni sulisartutut suliffigisimasai, akissarsiaqarluni feriarnersiutisiaqarluniluunniit feriarfigisimasai, pikkorissarnernut suliamut tunngasunut peqataaffigisimasai suliffeqanngikkallarnermilu ikiorsiissutit pillugit Inatsisartut

peqqussutaat naapertorlugu suliffeqanngikkallarnermi ikiorsiissutisisinnaatitaaffigisimasai ilanngullugit naatsorsorneqartassasut.

§ 30 pillugu

Aalajangersagaq taanna peqqussummi atuuttumi § 21, imm. 2-mi ilaavoq, matumanili alajangersakkatut immikkut ilanngunneqarsimalluni.

Aalajangersakkakut tassuuna erseqqissarneqarpoq sapaatit akunnerisa 13-it taakkua iluanni nalunaaquttap akuneri tamarmik, aamma qaangiuttoornerit, katinneqassasut. Nalunaaquttap akunnerisa tamarmiusut nalunaaquttap akuneri 520-t, sapaatip akunneranut agguaqatigiissit-sinermi nalunaaquttap akunnerinut 40-nut naapertuuttut, sinnersimappatigit nalunaaquttap akuneri 40-innaat tunniunneqartassasut.

§ 31 pillugu

Imm. 1 pillugu

Aalajangersakkap taassuma peqqussummi atuuttumi § 20, imm. 2 assigaa, aalajangersagarli taanna taamaallaat akissarsiaqarlutik sulisartunut tunngasuulluni.

Aalajangersakkakut tassuuna erseqqissarneqarpoq sapaatip akunneranut nalunaaquttap akuneri ullormusiaqaataasinnaasut akissarsiaqarluni sulisimanerit ataasiakkaat aallaavigalugit naatsorsorneqartassasut, piffissat § 29, imm. 2-mi taaneqartut ilanngullugit.

Inuk assersuutigalugu sapaatit akunnerinit 13-iusunit sapaatit akunnerini arfineq pingasuni suliffeqanngikkallarnermi ikiorsiissutisisinnaatitaasimappat sapaatip akunneranut nalunaaquttap akunnerisa agguaqatigiissinneqarnerat appassisrujussuussa, sapaatit akuneri pineqartup suliffeqanngikkallarnermi ikiorsiissutisivigisarsimasai ilanngunnagit naatsorsuisoqarsimappat. Tamatumaa pissuseqataa piffissat feriarfiusut pikkorissarfiusullu eqqarsaatigalugit aamma atuuppoq.

Imm. 2 pillugu

Aalajangersagaq taanna nutaajuvoq, erseqqissarlugulu akissarsiaqarlutik sulisartut sapaatit akunnerini 13-ini kingullerni sapaatit akuneranut nalunaaquttap akunnerini aalajangersimasunik amerlassusilinni atorfeqartitaasimasut eqqarsaatigalugit sapaatip akunneranut nalunaaquttap akuneri taakku nalunaaquttap akunnerani aalajangersimasunik amerlassusiligaasunik ullormusiaqartitsiviusassasut.

Aalajangersagaq taanna peqqussut atuuttoq eqqarsaatigalugu erseqqissaaneruvoq.

Imm. 3 pillugu

Aalajangersagaq taanna nutaajuvoq, erseqqissarlugulu akissarsiaqarlutik sulisartut aalajangersagaariinngitsumik sivisussusilimmi sulisartut eqqarsaatigalugit ullormusiat sulinnginnerup aallartinnera sioqqullugu sapaatit akunnerini 13-ini kingullerni nalunaaquttap akunnerisa suliffiusimasut agguaqatigiissinneqarnerat tunngavigalugu naatsorsorneqartassasut.

Aalajangersagaq taanna peqqussut atuuttoq eqqarsaatigalugu erseqqissaaneruvoq.

Imm. 4 pillugu

Aalajangersagaq taanna nutaajuvoq, erseqqissarlugulu sapaatit akunnerini 13-ini nalunaaquttap akunneri suliffiusimasut nalinginnaasutut isigineqarsinnaanngippata sulinnginnerup aallartinnera sioqqullugu sapaatit akunnerini 26-ni kingullerni nalunaaquttap akunnerisa suliffiusimasut agguaqatigiissinneqarnerat atorneqartassasoq.

Aalajangersagaq taanna ilanngunneqarpoq pisut inuup sulinnginneq sioqqullugu sapaatit akunnerini 13-ini kingullerni sulisimanerata nalinginnaanngitsuusinnaanera sillimmaanniarlugu.

Imm. 5 pillugu

Aalajangersagaq taanna peqqussummi atuuttumi § 21, imm. 5-ip ilagaa, erseqqissarlugulu akissarsiaqarluni sulisartoq sulinnginnerup aallartinnera sioqqullugu sapaatit akunnerini 13-ini kungullerni suliffeqarnermut attuumassuteqarsimappat, nalunaaquttalli akunneri suliffiusimasut 182-init ikinneruppata piffissami tamarmi suliffiusimasut nalunaaquttap akunnerinut 182-inut aalajangersarneqartassasut. Kisitsit siusinnerusukkut 180-iusimasoq 182-imut allanngortinneqarsimavoq, tassami kisitsit 182 kisitsimmik 13-imik agguarneqarsinnaammat, aammataarlu kisitsimmut suliffeqanngikkallarnermi ikiorsiissutinik naatsorsuineri suliffeqanngikkallarnermi ikiorsiissutisisinnaassagaanni ikinnerpaaffiliussatut atorneqarluni.

§ 32 pillugu

Imm. 1 pillugu

Aalajangersagaq taanna nutaajuvoq, erseqqissarlugulu namminersorluni inuussutissarsiortoq ullormusiaqarsinnaatitaassaguni inuussutissarsiormermik ingerlatsinini piffissami unitsissimassaga inuussutissarsiormilluunniit ingerlatsinini allanut isumagisassanngortissimassagaa.

Imm. 2 pillugu

Aalajangersagaq taanna nutaajuvoq, erseqqissarlugulu namminersorluni inuussutissarssiortup katissimallugu aapparisa inooqataaluunniit namminersorluni inuussutissarsiortumut ikiortaasoq ullormusiaqarsinnaatitaassaguni katissimallugu aapparmi inooqatimiluunniit inuussutissarsiortuluni ingerlatsinerani ikiortaani piffissami unitsissimassagaa.

§ 33 pillugu

Imm. 1 pillugu

Aalajangersakkat taassuma peqqussummi atuuttumi § 21, imm. 5 assigaa, erseqqinnerusunilli oqaasertalersorneqarsimalluni.

Aalajangersakkakkut taassuna erseqqissarneqarpoq namminersorlutik inuussutissarsiortut aamma namminersorlutik inuussutissarsiortut katissimallugit aappaat inooqataallu namminersorlutik inuussutissarsiortunut ikiortaasut sulinngiffeqarnerup aallartinnera sioqqullugu sapaatit akunnerini 13-ini kingullerni akissarsiaqaataasumik suliffeqarsimanngitsut eqqarsaatigalugit sapaatip akunneranut nalunaaquttap akunnerinut suliffiusimasunut 14-inut ullormusiaqaatasinnaasunut aalajangersarneqartassasut, sulinngiffeqartup isertitatigut sulinngiffeqarnerup nalaani annaasat ullormusiat aningaasartaannut nikingasorujussuunissaat uppernarsarsinnaanngippagu.

Imm. 2 pillugu

Aalajangersakkap taassuma nalunaarummi atuuttumi § 13, imm. 1 assigaa, allatulaarlu oqaalertalersorneqarsimalluni. Aalajangersakkakkulli tassuuna erseqqissarneqarpoq inuup isertitavigit annaasaqarneq ilimanarsisinnaagaa pineqartoq sapaatit akunnerini 13-ini kingullerni nalunaquttap akunnerini 14-ini SIK isumaqatigiissutaa tunngavigalugu sapaatit akunnerini 13-ini akissarsiat ikinnerpaaffiat naatsorsuutigalugu isertitanit amerlanerusunik isertitaqarnermik nassataqartumik suliaqarsimanini pillugu uppernarsaatilik saqqummiussinermigut.

Imm. 3 pillugu

Aalajangersakkakkut tassuuna erseqqissarneqarpoq pisuni sulingiffeqartup SIK-p isumaqatigiissutaa tunngavigalugu akissarsiat ikinnerpaaffiannik akissarsiaqarluni sulinermit annertunerusumik isertitaqarsimanerup pineqarneranik ilimanarsitsivigisaani sulionnaarneq sioqqullugu sapaatit akunnerini 13-ini kingullerni isertitarpiaasimasut aallaavigalugit naatsorsuisoqartassasoq.

Sapaatit akunnerini 13-ini isertitarpiaasimasut SIK-p isumaqatigiissutaa tunngavigalugu akissarsiat ikinnerpaaffiannik agguarneqassapput, taamaalillutillu piffissami tamarmi nalunaquttap akunneri tamarmiusut saqqummissallutik. Kisitsit taanna 13-inik agguarneqassaaq, sapaatit akunneranut nalunaquttap akunneri ullormusiat aningaasartaasa naatsorsorneqarneranni atorineqartussat pissarsiariniarlugit.

Imm. 4 pillugu

Aalajangersagaq taanna nutaajuvoq. Aalajangersakkakkut tassuuna erseqqissarneqarpoq sapaatit akunnerini 13-ini kingullerni isertitat nalinginnaasutut isigineqarsinnaanngippata ukiumi kingullermi isertitat aallaavigineqartassasut.

§ 34 pillugu

Aalajangersakkap taassuma nalunaarummi atuuttumi § 13 imarisamigut assigaa.

Aalajangersagaq taanna ilanngunneqarpoq inuit namminerrorlutik inuussutissarsiortuujutigalutik akissarsiaqarlutik sulisartuusut qulakkeerunniarlugit.

§ 35 pillugu

Aalajangersakkap taassuma peqqussummi atuuttumi § 21, imm 3 assigaa, taamaattorli oqaalertalersorneqarnermigut allannguuteqartinneqalaarsimalluni.

Aalajangersakkakkut tassuuna erseqqissarneqarpoq ilinniartut ilinniarneminnit sulingiffeqartut sulingiffeqarnermik nalaani ilinniarnersiutisisinnaanngitsut, praktikkernermi tapiissutisisinnaanngitsut praktikkernermiluunnit akissarsiaqarsinnaanngitsut ullormusiaqarsinnaatitaasasut, ilinniarnersiutit, praktikkernermi tapiissutit praktikkernermiluunniit akissarsiat amerlaqataannik, meeqqanut pilersuisussaataaffigisaminnut tapit ilanngullugit. Tapit taakku meeqqanut akilersuutit pillugit Inatsisartut peqqussutaat tunngavigalugu meeqqanut akilersuutit sukkulluunniit atuuttut amerlaqatigaat.

Meeqqat tapiinut amerlassusiliussat isumaginninnermi aningaasanngorlugit tunniunneqartartut pillugit kaajallaasitami Ilaqutariinnermut Peqqissutsimullu Naalakkersuisoqarfiup ukiumut ikinnerpaamik ataasiarluni saqqumersittagaani takuneqarsinnaapput.

§ 36 pillugu

Aalajangersakkap taassuma peqqussummi atuuttumi § 21, imm. 4 assigaa, erseqqissarlugulu atuartut sulinngiffeqarnerup aallartinnissaa sioqqullugu sapaatit akunnerini 13-ini kingullerni meeqqat atuarianni klassini angajullerni atuartunut tapiissutisisarsimasut ullormusiaqarsinnaatitaasut, manna tikillugu tapiissutisarineqartarsimasut amerlaqataannik, meeqqanut akilersuutit pillugit Inatsisartut peqqussutaat tunngavigalugu meeqqanut akilersuutit nalinginnaasut amerlaqataannik tapilerneqartunik.

§ 37 pillugu

Imm. 1 pillugu

Aalajangersakkap taassuma nalunaarummi atuuttumi § 10, imm. 2 assigaa, erseqqissarlugulu sulinngiffeqartoq naartunermut atatillugu piffissap ilaannaani akissarsiaqarluni sulisarsimappat ullormusiat ikiliasat sulinngiffeqartumut tunniunneqarsinnaasut, tak. § 7, imm. 6.

Imm. 2 pillugu

Aalajangersaakkap taassuma nalunaarummi atuuttumi § 12, imm. 1 imarisamigut assigaa, ullormusiat ikiliasat qinnuteqartup piffissap ilaannaani sapaatip akunneranut sulinngiffeqarfigisai piffissamat sapaatip akunneranut suliffiusussatut aalajangersarneqarsimasunut sanilliullugit tunniunneqartarnissaat eqqarsaatigalugu.

Ullormusiat nalunaaquttap akunnerinut inuup pineqartup sapaatip akunneranut nalunaaquttap akunnerisa nalinginnaasumik suliffigisartagaasa ikileriaataannut tunngatillugit tunniunneqartassapput. Inuk assersuutigalugu sapaatip akunnerani nalunaaquttap akunnerini agguaqatigiissillugit 30-ni sulisarsimappat, naartuninili pissutigalugu nalunaaquttap akunnerini 20-nnarni sulisarsimalluni, taava ullormusiat nalunaaquttap akunnerinut qulinut tunngatillugit tunniunneqartassapput. Naartusoq sapaatip akunerani nalunaaquttap akunerini 40-ni sulisartoq naartunini pissutigalugu sapaatip akunnerani nalunaaquttap akunnerini 15-ini sulisarnermut apparipat sapaatip akunneranut nalunaaquttap akunnerini 25-ni ullormusiat tunniunneqarsinnaappat. Inulli sapaatip akunnerani nalunaaquttap akunnerini agguaqatigiissillugu 48-ni sulisartoq piffissap ilaannaani sapaatip akunnerani nalunaaquttap akunnerini 20-ni sulisalerpat sapaatip akunnerani nalunaaquttap akunnerini 20-ni ullormusiaqartitsisoqarsinnaasussaavoq, tassa imaappoq agguaqatigiissitsinermi nalunaaquttap akunneri naatsorsuutigineqartussat sapaatip akunneranut 40-innaasinnaasut.

Imm. 3 pillugu

Aalajangersagaq taanna nutaajuvoq, erseqqissarlugulu piffissap ilaannaani sulinngiffeqalernerq sioqqullugu sapaatip akunneranut nalunaaquttap akunneri aalajangersimasasut pineqangippata ullormusiat ikiliasat sulinngiffeqartup sulinngiffeqarnerup aallartinnera sioqqullugu sapaatit akunnerini 13-ini kingullerni agguaqatigiissitsinermi nalunaaquttap akunneri suliffigisarsimasai aallaavigalugit naatsorsorneqartassasut, taamaattorli sapaatip akunnerani nalunaaquttap akunnerinut amerlanerpaamik 40-nut, qinnuteqartup piffissap ilaannaani sulisarnerani sapaatip akunnerani nalunaaquttap akunneri suliffigisarsimasai ilanngaatigalugit.

§ 38 pillugu

Imm. 1 pillugu

Aalajangersakkap taassuma nalunaarummi atuuttumi § 11, imm. 3 assigaa, allatulli oqaasertalersorneqarsimalluni, taamaallaallu piffissami sulinnigiffeqarfiusumi qinikkatut pisortanillu toqqagaasutut suliaasaqartitaanerup nassatarisaanik isertitanut tunngasuulluni.

Aalajangersakkakut tassuuna erseqqissarneqarpoq sulinnigiffeqartoq piffissami sulinnigiffeqarfiusumi qinikkatut pisortanillu toqqagaasutut taakkuluunniit assigisaannik suliaasaqartineqarsimappat ulluni pineqartup isertitaqarfigisimasaani ullormusiat tunniunneqartassanngitsut.

Tamatuma manna nassataraa, tassalu isertitat ullormusiat aningaasartaannit ikinnerusimappata ullormusiat ilassutitut tunniunneqarsinnaasut.

§ 39 pillugu

Imm. 1 pillugu

Aalajangersakkap taassuma peqqussummi atuuttumi § 22, imm. 1 assigaa, erseqqissarlugulu peqqussut manna tunngavigalugu ullormusiat tunniunneqarnissaannik qinnuteqaatit sulinnigiffeqartup aalajangersimasumik najugaqarfigisaani inunnillu nalunaarsuiffimmi nalunaarsorneqarfigisimasaani kommunalbestyrelsimut tunniunneqartassasut.

Imm. 2 pillugu

Aalajangersakkap taassuma peqqussummi atuuttumi § 22, imm. 2 assigaa, erseqqissarlugulu sulinnigiffeqartoq kommunit agguataarneqarnerisa avataanni aalajangersimasumik najugaqarpat qinnuteqaat Ilaqutariinnermut Naalakkersuisoqarfimmut suliamik suliarinninnermik isumaginnittumut tunniunneqartassasoq.

Imm. 3 pillugu

Aalajangersakkap taassuma peqqussummi atuuttumi § 22, imm. 3 assigaa, qaammatillu pingasut qaammatinut tallimanut allanngortinneqarsimallutik. Aalajangersakkakut tassuuna erseqqissarneqarpoq ullormusiaqarnissamik qinnuteqaat ullormusiaqarsinnaatitaanerup atuutilerneranit qaammatit tallimat qaangiunneranni tunniunneqarsimanngippat ullormusiaqarsinnaatitaaneq atorunnaartassasoq.

Imm. 4 pillugu

Aalajangersagaq taanna nutaajuvoq, erseqqissarlugulu ullormusiaqarsinnaatitaaneq atuutilersartoq akissarsiat, ilinniagaqarnersiutit isertitalluunniit allat naartunermut, erninermut meera-vissartaarnermullu atatillugu sulinnigiffeqarneq pissutigalugu unippata.

§ 40 pillugu

Imm. 1 pillugu

Aalajangersakkap taassuma peqqussummi atuuttumi § 23, imm. 1 assigaa, allatulaarli oqaasertalersorneqarsimalluni. Aalajangersakkakut tassuuna erseqqissarneqarpoq ullormusianik

tunniussineq sapaatit akunneri marlukkaarlugit piffissarluunniit sivikinnerusukkaarlugu tunniuneqartassat kommunalbestyrelsi aalajangiisinnaasoq.

Imm. 2 pillugu

Aalajangersakkap taassuma peqqussummi atuuttumi § 23, imm. 2 assigaa, erseqqissarlugulu pissutsit immikkut ittut tamanna ajornartinngippassuk ullormusiat tamakkiisumik ilaannakortumillunniit aningaasannagornagit kisianni nerisassanngorlugit/atisassanngorlugit tunniuneqartassat kommunalbestyrelsi aalajangiisinnaasoq. Aammattaaq kommunalbestyrelsi pisuni immikkut ittuni aalajangiisinnaavoq ullormusiat kommunalbestyrelsimit tamakkiisumik ilaannakortumillunniit aqunneqassat.

§ 41 pillugu

Imm. 1 pillugu

Aalajangersakkap taassuma peqqussummi atuuttumi § 25, imm. 1 assigaa, erseqqissarlugulu peqqussut manna tunngavigalugu ullormusiaqartoq pisussaaffeqartoq pissutsini nammineq atukkani meeqqalluunnit atugaani allannguutit ullormusiaqarsinnaatitaanerup annikillisinneqarneranik atorunnaarneranillunniit nassataqarsinnaasut oqartussaasumut tunniussisartumut nalunaarutigissallugit.

Imm. 2 pillugu

Aalajangersakkap taassuma peqqussummi atuuttumi § 25, imm. 2 assigaa, erseqqissarlugulu aningaasat pissutsit imm. 1-imi taaneqartut pillugit paasissutissat nalunaarutigineqanngitsoornerat imaluunniit qinnuteqartup paasissutissanik suliap suliarineqarnerani atorneqartussanik eqqunngitsunik tunniussisimanagera pissutigalugu pissutissaqarnani tiguneqartut utertillugit akilerneqartussaasut.

§ 42 pillugu

Aalajangersakkap taassuma peqqussummi atuuttumi § 26 assigaa, erseqqissarlugulu qinnuteqartoq piffissami ullormusiaqarfiusumi taannaasumi pineqartup pilersorneqarneranut tamakkiisumik ilaannakortumillunniit matussutissatut taarsiissutinik assigisaannillunniit tigusaqarsimappat ullormusiat tunniuneqartut oqartussaasup ullormusianik tunniussisup utertillugit akileqqusinnaagai.

Aningaasat akissarsianut assigisaannullunniit taarsiissutitut tunniuneqartut piffissamilu sulinnigiffeqarfiusumi pilersuinermut atugassatut naatsorsuunneqartut tassani pineqarput. Aningaasat taakku ullormusiat aningaasartaannit ikinneruppata ilassutissatut ullormusianik tunniussisoqartassaaq.

§ 43 pillugu

Imm. 1 pillugu

Aalajangersakkap taassuma peqqussummi atuuttumi § 27, imm. 1 assigaa, erseqqissarlugulu peqqussut manna tunngavigalugu ullormusianut aningaasartuutit Nunap Karsianit 90 %-tii kommuninillu 10 %-tii akilerneqartassat.

Imm. 2 pillugu

Aalajangersakkap taassuma peqqussummi atuuttumi § 27, imm. 2 assigaa, erseqqissarlugulu utertitsilluni akiliisarneq, naatsorsuutiniq saqqummiussisaarneq, kukkunersuineq nakkutillii-nerlu pillugit malittarisassat erseqqinnersut Naalakkersuisut aalajangersassagaat.

§ 44 pillugu

Imm. 1 pillugu

Aalajangersakkap taassuma peqqussummi atuuttumi § 28 assigaa. Aalajangersakkakkut tassuuna erseqqissarneqarpoq kommunalbestyrelsiq peqqussut manna tunngavigalugu aalajangiineri Isumaginninnermi Naammagittaalliuuteqartarfimmuut naammagittaalliuutigineqarsinnaasut, isumaginnittoqarfiup aqunneqarnera aaqqissuussaanelu pillugit Inatsisartut peqqusutaat tunngavigalugu.

§ 45 pillugu

Imm. 1 pillugu

Piffissaq atortuulersitsivik 1. januar 2010-iussasoq aalajangersakkakkut tassuuna erseqqissarneqarpoq.

Imm. 2 pillugu

Aalajangersakkakkut taassuna erseqqissarneqarpoq naartunermi, erninermi meeravissartaarnermilu sulinnigiffeqartarneq il.il. ullormusiaqartarnerlu pillugit Inatsisartut peqqussutaat nr. 12, 31. oktobe 1996-imeersoq tamatumunnga peqatigitillugu atorunnaarsinneqassasoq.

Kingusinnerusukku allannguutit tassaappu naartunermi, erninermi meeravissartaarnermilu sulinnigiffeqartarneq il.il. ullormusiaqartarnerlu pillugit Inatsisartut peqqussutaat nr. 12, 30. oktober 1998-imeersoq, naartunermi, erninermi meeravissartaarnermilu sulinnigiffeqartarneq il.il. ullormusiaqartarnerlu pillugit Inatsisartut peqqussutaata allanngortinneqarneranik Inatsisartut peqqussutaat nr. 6, 11. november 2000-imeersoq kiisalu naartunermi, erninermi meeravissartaarnermilu sulinnigiffeqartarneq il.il. ullormusiaqartarnerlu pillugit Inatsisartut peqqussutaata allanngortinneqarneranik Inatsisartut peqqussutaat nr. 1, 27. marts 2006-imeersoq.